



САМУРДИН

eee

«Магъарамдхуъруън район» МР-дин общественно-политический газет.
Общественно-политическая газета МР «Магъарамкентский район».

Тешкилайди: «Магъарамдхуъруън район» МР.

Газет 1951- йисалай акъатзава. № 46 (7702) киш, 27- сентябрь, 2014- йис. Къимет 3 манат.

МР-дин АДМИНИСТРАЦИЯДА

ХЪ С А Н В И Л И К И Н А Н М И Ш В А Л А В А З

КЫЛЕЛ КАС тахъунин ва яшар бегъем тахъанвайбуру законар члурунин вилик пад къадай системадин квалах чи районда яшар тамам тахъанвайбурун ва абурун ихтиярар хуънин крарай комиссияди сад ийизва. Адан къилени Ханов Фурман акъвазнава. Райадминистрациядин вири отделрин руководителри, общественный организационрин векилри, гъаки са бязи хуърерин поселенийрин къилери иштиракай муниципальный райондин администрацияда нубатдин совещание Ф. Ханован докладдилай башламишни авуна. Совещание вич «Магъарамдхуъруън район» МР-дин къил Фарид Агъмедован председательстводик кваз къиле фена.

Комиссиядин руководитель Ханова вичин докладда къейд авурвал, къилел кас тахъунин ва яшар тамам тахъанвайбуру законар члурунин вилик пад къунин квалах бес къадарда сад садав къадайвал жезвач. Яшар тамам тахъанвайбурун крарин рекъяй комиссиядик квай оргарин ва учрежденийрин арада бес къадар алакъа авач. Районда аялринни жегилрин спортдин 6 школа кардик ква. Гатун каникулрин вахтунда чи райондин гзаф аялар аялрин сагъламвал мягъкемардай лагерриз рекъе туна. Амма идахъ галаз сад хъиз, гъал тавунвай месэлярни гзаф ама. 2014- йисан алатнавай 8 вацра яшар тамам тахъанвай 8 аял административ-

ный жавабдарвилиз члугуна. Яшар тамам тахъанвайбурун ва абурун ихтиярар хуънин крарай комиссиядин учетда яшар тамам тахъанвай 6 кас ва социально-хаталу гъалда авай 6 хизан ава.

Райондин къил Фарид Агъмедова комиссиядик квай вири ведомствойривай сигъ алакъада аваз квалахун истемешна ва алай вахтунда абуру тухузвай квалахдилай нарази тирди малумарна.

И месэладай райондин общественный Советдин председатель Агъадаш Нагъметуллаевани вичин фикирар ачухдиз лагъана.

Ахпа йикъан жуъреба-жуъре месэлайрал элячна. Чпин квалахрин гъакъиндай райадминистрациядин отделрин начальникри гегенш информацияр гана.

«Хуъруън майишатдин отдел» МКУ-дин директор Насир Ибрагъимован информация вридан фикир желбдайди хъана. Ада районда ципицлар ва ичер кватунин квалах гъикл къиле физватла ихтилат авуна.

Райондин къил Фарид Агъмедова къейд авурвал, чи районда емишар ва майваяр гъалдай завод эцигиз гъазур инвесторрихъ галаз рахунар къиле физва. Сад-къве йисалай емишар ва майваяр маса гунин кар регъятдиз гъализ жеда.

Гъа ихътин гележегда хъсанвилихъ инанмишвал аваз нубатдин пландин совещание акъалтна.

2015 -
ЙИС ПАТАЛ

САМУРДИН

eee

ГАЗЕТДИН
ПОДПИСКА
БАШЛАМИШНАВА

* * *

ИНДЕКС:
6 вацра - 51406
12 вацра - 63340

Г А З Е Т
райцентрдал почтампда,
хуърера адан отделенийра
подписка ийиз жеда.

* * *

ГАЗЕТДИН КЪИМЕТ
6 вацра - 167,4 манат
12 вацра - 334,8 манат



Къвед лагъай ДИДЕ



УЪМУЪР йигин еришралди виликди физва. Накъ бахчадиз, школадиз физвай аялри къе чпи бицлекар анриз тухузва, тербияламишзава, гъа чеб хъиз умуърдин шегъредал акъудзава. Къурагъ дагъларин къужагда члехи хъайи Рамазанова Элмирадин рехъни гъа идаз ухшар авайди хъана. Къурагъа школадин 8-класс акъалтларайла ам Дербентдин педучилищедиз рекъе гъатна. Экзаменар агалкъунралди вахкай дагъви руш школадилай виликан тербия гудай отделениедиз къабулна. Са къуд йисалай пешекар тербиячидин диплом къачур Элмира Кезимовна Къурагъа галкъанач. Къисметди Магъарамдхуърюз акъудна. Ина хизан кутур адаз Магъарамдхуъруькай къвед лагъай Ватан, вичикайни Оружева Элмира хъана.

Педучилище акъалтларай ва эвленмиш хъайи 1988-йисуз Магъарамдхуьре «Теремок» бахчада къвалахни ийиз башламишна. Адалай инихъ къанни вад йисалай гзаф вахт алатнава. Им инсан мягъкемдиз къвачел акъалтун, умуърдин цуру-ширин дадмишун, къатлунар мягъкемарун ва тежриба къватлун патал тимил туш. Элмира патални и йисар бегъерлубур хъана. Адакай пуд веледдин диде хъун, абур дуьз рекъе авай инсанар яз члехи авун, хизандин къул чимиз хуьни, гъакъ бахчада тербияламишунин къвалах аферин алаз къиле тухун алатай йисарин бегъерлу нетижа яз гъсабиз жеда.

Элмира Оружева «Теремок» бахчада вирида гъуьрметзавай, хиве авай везифа аферин алаз тамамарзавай, къазанмишнавай агалкъунрал разивал авуна акъваз тийидай кас я. Ада вичин гъар йикъан къвалахда аялриз дуьз тербия ва акъул гун, абуруз цийи са вуч ятлани чирун, гъвечибурун дуствилини алакъяар мягъкема-



рун къилин везифа яз гъсабзава. И кар адалай тариф ийидайвал алакъни ийизва. Аялрал члугвазвай ихътин гъакъсагъ зегъметди вичи тербияламишзавайбурун дидебубайрин патай члехи гъуьрметни гъанва, абуру чпин аял-

рин къвед лагъай дидедиз члехи къиметни гузва.

Аялризни Элмира Кезимовна чпин хайи дидеяр къван къанда. Гъавилай абур бахчадиз гъар пакамахъ ашкъидалди къвенни ийизва.

«Теремок» бахчадин заведующий Хадижат Арасхановади лугъузвайвал, Элмира эвез тежедай, вири тарифриз лайихлу тербиячи я.

Оружева Элмиради общественный умуьрдани активвилелди иштиракзава. Коллективди ам къад йисалай гзаф вахтунда чпин профсоюздин сифтегъан организациядин председателвиле хкъагъиз хъана. Ам бахчада къиле физвай вири мярекатра къвенкъе жеда.

Оружева Элмирадин галатун тийижир гзаф йисарин намуслу ва гъакъсагъ зегъметдиз лайихлу къиметни гана. Адан зегъмет муниципальный райондин къилин, республикадин ва УОдин профсоюздин организцийрин, УОдин начальникдин, вичи къвалахзавай бахчадин гъуьрметдин грамотайралди лишанлу авуна. Ам гъихътин хъайитлани наградайриз лайихлу я. Къанни вад йисуз ада тербияламишай аялрикай къе члехи къуллугърин иесияр хъанва. И къвалах Элмира Кезимовнади гъевесдалди давамарни ийизва. Адан гъиликай школадиз феий аялри хъсандиз къелни ийизва.

Элмира Оружевади и йикъара къве сувар санал къейдзава. Дуьшуьшдикай менфят къачуна «Самурдин сес» газетдин коллективди Элмирадиз вич хайи югъ ва тербиячидин югъ риклин сидкъидай мубаракзава ва ада идалай къулхъни вичин рикъ алай кар агалкъунралди давамардайдахъ инанмишвал ийизва.

Ф.ГЪАЖИЕВ.

ГРАЖДАНАР ТЕРРОРИЗМДИЗ АКСИ Я

РОССИЯ яваш-яваш терроризмдин тлуьгъундилай азад жедат. И кардиз Россиядин государство ва адан экономика мягкем хуни куьмек гуда. «Терроризмдиз аксивал авунин гъакъиндай» Федеральный закондини, гъакъи маса законрини куьмек гуда. Амма террористар секин тежедайди виридаз чизва. Сифте мумкинвал хъайивалди, абуру са къадар вахтунда, чпин тахсиркарвилер давамарда. Террористрин гъерекатдин мурад Россиядин властдиз кичлерар гуналди, гъелегъар къун ва чпиз кландайвал ийиз тун я. Гъавилей и тлуьгъундихъ галаз агалкъунралди женг члугун патал государстводин ва

вири агъалийрин къуватар сад авуна кланда. Шак физвай гъар са касдал къаравул эцигун мумкин кар туш. Куьгъне хъанвай гъар са автомобилда чуьнуьхарнавай бомбани жагъурун мумкин туш. Амма гъа им Россиядин махсус къуллугърин гъар йикъан клвалах я. Абуру «чархарал алай бомбаяр» хуьн мумкин тир автомобилар ахтармишни ийизва. Махсус къуллугърини гъа клвалах себеп яз вишералди террориствилин актарин вилик пад къуна. Мукъвал тир са шумуд йисан вахтунда вири терактрин члехи пай дуьздак акъуддайдахъ инанмиш я.

Са нин ятлани рикелай алатна скамейкадал куьгъне газетар экъис хъанвай чанта аламукъна лугъуз къетлен вуч хъана къван? Са затни. Эгер халисандиз рикелай алатнавай агъзур чантадин чкадал, къасухдай «рикелай алатнавай чанта» дуьшуьш тахъайтла. Акъатна аквазвай куьгъне газетрин кланик чантада хъиткъинун патал тайинарнавай

«жегъеннемин машин» хуьн мумкин я. «Рикелай алатнавай» гъихътин шейэр шаклубур яз гъисабиз жедат? Уяхвал, мукъаятвал вуч зат я? Виридалай вилик общественный хатасузувлиз къурхувал авай адетдинбур тушир вири шейэр акунин ва акваз клан хуьнин бажарагъ-



лувал хуьн. Мад- жуваз акурдакай (ва я жуван шаклувилерикай) энгелар тавуна законар хуьдай органриз хабар гун. Гъа са вахтунда клевелай къадагъа ийизва:

- а) «жегъеннемин машиндиз» ухшар авай шейэник къагъун;
- б) мумкин тир терактдин вилик пад жува-жуваз къун;
- в) террористдихъ галаз къилди женгиниз экъечлун;

Террористар хаталу вагъшияр я. Гъавилей вагъши гъайванрал гъуьрч ийиз лап тежрибалу гъуьрчехъанарни ичи гъилди физвач. Акъи хъайила са затни ийидачни? Я тахъайтла вуч ийида? Жуьрэтлувал, къетливал, гъатта амалдарвални къалурна кланда. Гражданрин жуьрэтлувал ва дурумлувал, гъакъи сабурлувал ва уяхвал чинебан ва фендигар душмандихъ галаз женгина махсус къуллугъри умуд кутазвай лишанар я. Адет хъанвайвал, мусибатдин гъар са дуьшуьшдилай къулухъ уях гражданрин хабаррин селартух жезва. Бейкар яз ацукнавай яшлубур, гъаф дуьшуьш-

ра, участковыйдилай хъсандиз хабардар я вуж квел машгъл жезватла.

Агъалийри шаклу крарикай ва инсанрикай вахтунда хабар гун терроризмдин вилик пад къунин диб яз гъисабзава. Гъа и кардихъ галаз алакълалу яз къве къайда хъсандиз чир хъана кланда:

а) мумкин тир гъазурзавай терактдин гъакъиндай зенгер твар алачирбур тахуьн герек я;

б) терроризмдин актуинин гъакъиндай чиз-чиз тапан хабар гун тахсиркарвал я ва РФ-дин Уголовный кодексдин 207-статьядай жазаламишзава.

Гъазурзавай терактар виликумаз чирунин кар ара датлана хъсан жезва. Яни террористический клвалахдин вилик пад къунин кар хъсан жезва. Гъайиф хъи, къазанмишнавай нетижайри инсанрин уяхвал зайифарзава, секинвал арадал гъизва. Идахъ галаз мад са кар алакълалу я: террористический къурхулувилин шартлара инсандин ихтиярар сергъятламишун. Месела, и кар правовой режим КТО кардик кутурла кланзни-такланзни арадал къвезва. Амма им юридически делилу кар я.

Терроризмдин месэла алай девирдин къилин месэла я. Ам Россиядин общество патални виридалайни къурхулуди яз ама. Гъа и карди вири- международный обществовини, Россиядин государствони, чи гражданрин и бедбахтвал дибдай кланяй акъуддай рекъер жагъуруниз мажбурзава.

Я. СОКОЛОВ.

ПЕШЕКАРДИ ПЕШЕКАРДИКАЙ

КЪВЕД ЛАГЪАЙ ВАТАН

*Чи тарихдин дерин къатар,
Къат-къат вуна юзурзава.
Гъар асурди тунвай «хатлар»,
Къатлузвай чун къарсурзава...*

КЪИСМЕТ. Чун къисметдикай рахадайла, чна лугъуда, ам адан къисмет я, къисметдикай катиз жедач, гъар са касдин вичин къисмет вичив гва, чун чи къисмет галаз халкънава...

Къисметдихъ ялунни гала эхир, цавай аватуй лугъуналди, цавай аватдач эхир!

Зи ихтилат –суьгъбетни дагъларин уьлкведикай къвед лагъай Ватан хъанвай Агъаселимова Анна Алексеевнадикай физва. И дишегълидин ери-бине Пензадин областдин Белинский райондин Линёвка твар алай хуьрай я. Абурун хизан къалин тир: 6 аял авай, 4 вахни къве стха. Аялри гъарда вичин рехъ жагъурзавай, диде-бубадини маякри хъиз рекъер къалурзавай. Бубадизни дидедиз гзаф азиятар-зегъметар акуна. Буба белофинрихъ галаз хъайи дяведин ва гъак! Ватандин Члехи дяведин иштиракчи, дидеди далу пата зегъмет члугуна. Гъавилляй абуру члехи уьмуьрдиз кам вегъезвай аялрин виликай язава-чир.

7-класс куьтягъай Анна Алексеевна Белинский шегъердин педучилищедиз гъахъзава ва лап хъсан къиметралди акъалтарзава. Училище куьтягъайбурун месэла гъялдайла, вуж гъиниз ракъурдатла тайинардайла, Анна Алексеевнади Дагъустан хкъзава. Ада дагъларин уьлкве хкъгъун дубъшуддин кар тушир. Кавказдикай Пушкина, Лермонтова хкъенвай шиирри ва поэмайри ,Толстойн гъикаяйри ам суьгъурда тунвай.

Вич ракъурзавай чкадин твар къурла диде Аксиньяди къве гъиливни вичин къил къуна, адай гъарай акъатна, амма буба Алексей Филипповича ам секинарна.

-Мус физва, чан руш?- лагъана бубади.

-Пака.

-Гъазурвал аку!

Им 1966-йис тир. Дагъустандин образованиедин министерстводи Магъарамдхуьруьн райондиз рекъе твазва, анайни Че-



пелрин хуьруьн сифтегъан школадиз.

Гъа ик! цийи чкаяр, таниш тушир инсанар, чин тийизвай члал, адаз са къадар къариба аквазвай. Фикиррин «чилинай» ам школадин заведиш Гъажиблаев Агъарза малимди акъудна.

Вири классра урус члалал тарсар тухуз Анна Алексеевнадал ихтибарна. Малим яваш-яваш аялрин, аялар малимдин гъавурда акъаз башламишзава. Тарсарай агакъ тийизвай аялдиз «къвед» эцигун бейнидани хъанач. Ахътин аялрихъ галаз тарсарилай къулухъ алава кваллах тухуз хъана. Ам аялриз ктаб кланариз алахъна, мукъвал-мукъвал члалай ва литературадай чкурсар,викторинаяр ва маса мярекатар тухуз хъана, нетижаярни писбур хъанач. Чепелрин школада квалахай 8 йисан къене адахъ классда амуькый са аялни хъанач. Къени Чепелрин хуьруьн жемятди ва ада тарс гайи аялри адан твар еке гъуьрметдивди къазва.

Анна Алексеевнадиз лезги

члални саки чир хъанвай. Адаз Дагъустандин тарих рикливай чириз кланзавай. Ам В.И. Ленинан тварунихъ галай ДГУ-дин тарихдин факультетдиз гъахъзава. Ксун тавур,ахвар хайи йифер гъикъван хъанатла, низ чида? Кваллахни авуна кланзавай, клелни авуна. Вири азиятрай, дарвилерай экъечна, къилин образование къачуна, 1974-йисуз клелун акъалтарна.

Къисметдиз муьтлугъ тежедай вуж ава? Адан бахтунни ери-мишна, цуьк ахъайна, адаз вичин дишегълидин бахт жагъана. Агъаселиман гада Мирзеабасани Анна Алексеевнади чпин фикирар, уьмуьрдин рекъер сад авуна. Адакай лезгидин свас жезва, адаз чепелрин дишегълийри, чан «чи свас» лугъуз хъана. И хуьре ада вичикай хъсан гел туна, риклел аламукъдай.

Анна Алексеевнадин уьмуьрдин юлдаш Мирзеабасакай Хтункъазмайрин тамам тушир юкъван школада физкультурадин малим, Анна Алексеевнадикайни Тагъирхуьруьн къазмайрин юкъван школада тарихдин тарсар гудай малим жезва. Им 1974-йис тир.

Мад цийи коллектив, цийи чкаяр. Школадин директор Агъаверди Балакъардашевичикай Анна Алексеевна патал вири рекъерай члехи даях хъана. Школадиз сифте атай юкъуз директорди лагъанай: «Чи школа члехи тарих, хъсан база, тежрибалу малимар авай школа я. Ихътин коллективда квалах авунал шадвал ая. Хъсан рехъ хуьрай».

Гъа хтай сифте йикъалай рик! гваз, чан эцигна зегъмет члугъазвай адан гъакъисагъвал такунани амуькнач. Адал классни тапшурмишзава. Класс са тимил «къадакъар» буш хъанвайди тир. Амма цийи руководителди абурухъ галаз рахадай члал жагъурзава, тарсарилай къулухъ акъваззава, квалериз физва, диде-бубайрихъ галаз датлана алакъаяр хуьзва. Гъелбетда, ихътин зегъметди вичин

ПЕШЕКАРДИ ПЕШЕКАРДИКАЙ

нетижарни гана. Класс дибдай дегиш хъана. Класс хъсанбурун жергеда гъатна.

Методикадин жигъетдай ада вичин тарсарин ери къвердавай жкажиз хъана. Рагъимов Эседуллагъ малимдин тарсариз физ адавай вичиз тежриба къачуз хъана. Анна Алексеевнадин мурад сад хъана: герек аялди тарс гъа тарсуни къене чир жен. Датана тарсуниз герек тадаракар иш-лемишиз, вичи тукъуриз, аялриз тапшуругъар гуз хъана. Са гафуналди, ада вичин предмет аялриз кланарна. Ада аялриз лугъудай: «Накъан югъ галачиз, къенин югъ авач, абур сигъ алакъада ава. Гъавилияй, аялар, чаз чи Россиядин, Дагъустандин тарих клевелай чир хъана кланда, гъакл хъайитла, квекай савадлу инсанар жеда, квехъ куь фикир, куь къатлунар жеда».

Са къадар тежриба, яшар хъайила Анна Алексеевнадикл лугъузва: «Малимдиз хъел атана кландач, хъел къежел акъуд тавун лазим я. Герек малимдин чина хъвер жен, аял агатдайвал. Аялдин рикл тларна кландач, акси яз аялдик лувар кутуна, ам гъевесламишна кланда. Лезгийрихъ хъсан мисал ава: «Къвале хайи къвач къежел сагъариз жедач», гъакл хъайила, аял школадай къвализ руьгъда хвеш аваз хъфейтла, аялдин тарсарал рикл жеда. А аялди малимдин риклни динжарда, диде-бубадинни. За школада къвалахиз 49 йис я; къилинди малимдиз аялдихъ галаз рахадай гаф-члал жагъана кланда. Гъар са аялдихъ вичин къилих, вичин къатлунар, вичиз хас акунар ава».

Анна Алексеевна вичин зегъметдиз, бажарагъдиз килигна, гзаф йисара тарихдин предметдай секциядин руководителни хъана. Адан гъилик чирвал къачузвай аялри олимпиадайра лайихлу чкаярни къаз хъана. Лап хъсан малимрикай сад яз Анна Аликсеевна Дагъустандин малимрин 5- съезддиз делегат яз ракъурна.

Государстводин депутат Сафаралиев чи райондиз атайла, Анна Алексеевнадикл милли политикадай авур доклад къимет-

луди яз акуна, депутатди Москвадиз хутахна.

Вичин виридалайни члехи агалкъун Анна Алексеевнадикл вичи тарс гайи аялри вичихъ галаз къуьн-къуьне туна тарихдин малимар яз къвалахун, гъисабзава. Ингъе абур: Ибилкъасумов Роберт Ниферович- «Почетный работник общества образования РФ», Аликеримова Диана, А.Кахриманова. Гзафбурукай духтурар, къецепатан уьлквейрин члаларин пешекарар ва маса пешейрин лайихлу инсанар хъанва. Вич классдин руководитель яз хъайи аялри школа къизилдин медалдалди куьтягъайбурни хъана, абурун жергеда Селимова Айиша, Давудова Анжела, Селимова Зульфия ава.

Гъелбетда, Анна Алексеевнадикл зегъметдиз къиметни гана. Райондихъ 70 йис тамам хъайи суварин юкъуз Дагъустан Республикадин Президент Р.Гъ. Абдулатипован гъилияй адаз «Дагъустан республикадин лайихлу малим» тлвар ганвай документ ва знак къабулна.

Анна Алексеевнадикл хизандикайни къве келима тавуна жедач. Мирзеабасахъни Аннадихъ 5 велед ава: Анна Алексеевнадикл уьмуьрдин юлдаш фад рагъметдиз фена. Вири уькълу-цуру, аялар къвачел акъалдарун дидедин назик къуьнерал аватна. Ада бушвалнач, зегъмет члугуна, абуроз гъардаз вичин фу недай рехъ жагъурна, гадаяр эвленишна, рушарни динжарна.

Эхъ, дагъларин уьлкведикай Анна Алексеевнадикл къвед лагъай Ватан хъана. Диде Ватандикайни вил атлузвач, ингъе и алатай гатузни вичин багърийрал къил члугуна хтана.

Башламишнавай Цийи клелдай йис Ваз мубарак хъурай, вахъ мадни члехи агалкъунар, къакъан дережаяр хъун чи мурад я.

*«Урусатдин цуькведикай»-
Бегъердин багъ къакъан хъана.
Чи дагъларин уьлкведикай
Ваз къвед лагъай Ватан хъана.*

**Аллагъяр
АБДУЛГЪАЛИМОВ.**

**«Магъарамдхуьруьн район» МР-дин къил Фарид Загъидинович Агъмедован приемдиз къвез кланзавай агъалияр патал
МАЛУМАТ**

«Магъарамдхуьруьн район» МР-дин къил Ф. Агъмедован приемдиз къвез кланзавай агъалияр патал лагъай гъафтейрин арбе юкъуз сятдин 11 даз къвез жеда.

МАЛУМАТ

2014- ЙИСАН 28 - сентябрдилай Махачкъаладин аэропорт вахтуналди агалзава. Агалунин себеб ремонтрин къвалахрихъ галаз алакълу я.

Аэропорт агалнавай вахтунда «ВИМ-АВИА» ва «Ред Вингс» авиакомпанийри Дагъустан Республикадин агъалияр патал Грозныйдин аэропортунай гъар юкъуз къуд авиарейс ийида. Махачкъала шегъердин «Северный» автовокзалдалай Грозныйдин аэропортуниз автобусрин маршрут тешкилзава. Идалай гъейри, Махачкъала-Москва, Махачкъала-Санкт-Петербург шегъерри физвай поездрихъ алава вагонар галкълур хъийида.

Махачкъаладин аэропортуни 2014- йисан 31- октябрдилай къвалахиз башламиш хъийида.

КУЪРУЪ СОЧИНЕНИЙРИН КОНКУРС

Дербент шегъердин 2000 йис тамам хъуниз талукъарна региональный вилик финин рекъый министр И.Н. Слюняева ва Правительстводин Председатель А.М. Гъамидова къабулай къарардалди 2014- йисуз Дагъустан Республикада «Заз Дербент шегъердин гележег гъикл аквазва» тлвар алаз куьруь сочиненийрин конкурс малумарнава.

ХАТАСУЗ ГЪЕРЕКАТ ПАТАЛ

2014- йИСАН муъжуд вацра ГИБДД-дин отделениедин хуси составди райондин ОВД-дин маса къуллугърихъ галаз санал рекъера хатасузвал таъминарунихъ, авай кимивилер арадай акъудунихъ, вилик пад къадай серенжемрин план тамамарунихъ рекъе тунвай кваллах кыле тухвана.

ОГИБДД-дин хуси составдин кылин фикир рекъера жезвай чѳуру гъерекатрин вилик пад къунал ва хъайибур дуъздал акъудунал желбна. Гъа са вахтунда рекъера аварияр хъунал гъизвай рулдихъ ички ишлемишна ацукъунихъ, вилик галай улакъдилай алудунин къайдаяр чѳурунихъ, гъерекат авунин ериш къадардилай гзаф йигинарунихъ галаз женг иллаки къати авуна.

Отделениедин къуллугъчийри кыле тухвай тадиз вилик пад къадай «Пиян водитель»,

«Дикъет – аялар!», «Автобус», «Яракъ», «Йигинвал», «Тонировка», «Алудун» ва гзаф маса серенжебра активвилелди иштиракна.

Отделениедин къуллугъчийри республикадин территориядал кыле физвай «Иномарка» операциядани вири жавабдарвал гъисс авуна иштиракна.

Йисан сифтедилай ГИБДД-дин отделениеди рекъерин гъерекатдал гуъзчивал тухунин кваллах са къадар активламишна. И кар иллаки рекъера лап векъи

тахсиркарвилерин вилик пад къунин кардиз талукъ я. Идалайни гъейри вичикай рахун физвай девирда ГИБДД-дин отделениеди криминалдин, терроризмдин ва диндин экстремизмдин вилик пад къадай серенжемрани активвилелди иштиракда.

ГИБДД-дин отделениеди



куъчейринни рекъерин сеть хъсанарунин рекъяйни тайин тир кваллах тухвана. 2014- йисан муъжуд вацра рекъерин ва коммунальный майишатрин руководителрихъ 35 предписание агакъарна. Амма и рекъяй кваллах активламишун герек тирдини къейдна кланда.

Рекъерин гъерекатдин хатасузвал таъминарунин мураддалди массовый информациядин такъатрикайни менфят къачузва. Месела, «Шарвили» телеканалдай 10 суъгъбет тешкилна, школайра ва аялрин бахчайра 56 суъгъбет тухвана.

Вичикай рахун физвай девирда райондин рекъера ва хурера 6 аварияр регистрация авуна. И дуъшуъшрикди са кас къена ва 9 касдал хирер хъана. Эгер геъкъи гайтла, им шазанан гъа и вахтунилай хейлин тѳимил я. Месела, рекъера хъайи 16 авариядикди 6 кас

къенай ва 22 касдал хирер хъанай.

Рекъерин гъерекатдин къайдаяр чѳурунин вилик пад къун патал ДПС-дин инспекторри рекъерин тайинарнавай участокра рекъерин гъерекатдал гуъзчивал хкажнава.

Рекъера чѳуру дуъшуъшар арадал атунин кылин себебар гъерекатдин йигинвал къадардилай гзаф артухарун, вилик галайдалай алудунин къайдаяр чѳурун, рекъера авайбуру ПДД-дин истемишунрал амал авунал бес къадар гуъзчивал тухун тавун я.

Гъелбетда,

кѳвачи-кѳвачи къекъъезвайбурун хатасузвал таъминаруниз, куъчяер ва рекъер аваданламишуниз, иллаки аялар школайриз ва бахчайриз физвай чкъаяр къайдадиз гъуниз рикѳивай фикир гана кланзава.

Рекъера аварияр хъуникай рахадайла и кар транспортдин такъатрин гъерекат къалин хъанвайдини, рекъерни хъсан гъалда авачирди ва ихътин маса кимивилерилайни гзаф аслу тирди лагъана кланда. Эхиримжи вахтара рекъерин къерехрал хкажзавай дараматрини, рекъерин къерехар, тротуарар ва кѳвачи-кѳвачи элячѳдай чкъаяр къайдада тахъунини транспортдин гъерекат четинарзава.

Ж. АГЪМЕДОВ,

ГИБДД-дин отделениедин
начальник,
полициядин майор.



Дуьньядилай цлар илитна

20 МИЛЛИАРД МАНАТДИН ЗИЯНАР ГАНВА

2014- ЙИСУЗ оборонно-промышленный комплексдин (ОПК) хиле авур тахсиркарвилерай хъайи зиянрин къадар 20 миллиард манатдилай гзаф я. Идан гъакъиндай 15-сентябрдиз генеральный прокурор Юрий Чайкади Президент Владимир Путинад хабарна. Вичин нубатдай яз, государствовдин Кыли гособоронзаказ кылиз акъуддай вахтунда авунвай тахсиркарвилерай делояр эхирдалди кыле тухун тапшурмишна, хабар гузва ИТАР-ТАСС-ди

«Йисан сифте кылерилай закон члураи 7 агъзур дуьшууш винел акъуднава. Идахъ галаз алакълу яз тахсирлу 800 кас низамдин рекъай жавабдарвилиз чулгунва, административный къайдаяр чурунай 300-лай гзаф делояр, 131 уголовный дело къарагъарнава; тайинарнавай зиянрин къадарди 20 миллиард манатдилай гзаф тешкилзава», - лагъана Чайкади Президентдиз.

Генпрокурордин гафаралди, са йисан вахтунда ОПК-дин 1005 кархана ахтармишна. Иник гимияр туклуьрдай ва авиациядин корпорацияр, «Россиядин вертолетар», «Сухой» холдинггар ва абурухъ галаз санал кваллахзавай организацияр акатзава. Нетижанда военный метлеб авай продукциядин ери хъсанарна, са бязи дуьшуушра адан къимет саки къве сеферда тлимил хъана. Къилди къачуртла, «гъвечи танкер туклуьрунин къимет 500 миллиондилай, космический са аппарат туклуьрунин къимет 380 миллион манатдилай тлимил хъана», - къейдна генпрокурорди. Чайкади алава хъувурвал, государствовдин оборонадин заказар тамамарун патал кутунзавай контрактрин вахтарни аквадайвал куьруу хъана.



ДУЬНЯДА ВИРИДАЛАЙНИ КЪАКЪАН ИТИМ КЪЕНА

УКРАИНАДИН Житомирский областда 44 йисан яшда аваз инсульт хуникиди дуьньяда виридалайни къакъан итим Леонид Стадник къена.

Адан къакъанвал 2,57 метр, заланвал 200 килограмм тир. Леонида 62-уьлчмедин квачин къапар, парталар 70- уьлчмединабуру алукизавай. Хуьруьнвийри суьгъбет ийизвайвал, Стадникахъ гъакл зурба рикни авай. Адалай ачух ва михьи рикл авай ва регъимлу инсан абуруз чидачир. Ам гъакл дамах гвачир касни тир. Ада жуьреба-жуьре шадвилер тешкилзавайбуру теклифай пул (500 агъзур доллар къван) са шумудра къабулначир.

Бедендин члехивили адаз анжах тлалар ва бахтсузвал гъизвай.

Гъеле 12 йиса авайла Леонид лап къериз гъалтдай уьзурдик азарлу хъана. Гъа ида ахпа беден члехи ийиз башламишна. Адан дидедиз вичин зурба жендекдин аял-

диз герек уьлчмедин парталар ва квачин къапар жагъурун регъят тушир. Шолада аялри адакай зарафатар ийизвай, рушар къвал гуз физвай. Гъа икн Леонид садрани эвленмиш хъанач. Вири уьмуьрда дидедихъ галаз куьгъне квалле яшамиш хъана. Колхозда ветеринарвиле кваллахзавай.

Алатай йис Стадник патал уьмуьрда виридалайни четин йис хъана: адан диде ам кландай, адан гъавурда гъатдай ва гъамиша патав гъай тек са кас-къена. Ам къейдалай къулухъ къилин мастлада авай бувел гъвечи авун паталада са жерге нейрохирургический операциярни эхна.

Гиннесан Ктабда гъатуьнни къетлен шадвал Леонидаз гъанач. Обществоди вичиз гузвай фикир ам патал гзаф агъурди жезвай, журналистри лагъайтла ам тамамвилелди къапарай акъудзавай. Нетижанда рекордрин Ктабда Леонид яргълди амуькначдуьньяда виридалайни къакъан инсан лагъай тлвар китаиви Бао Сишунюди къачуна. Малум хъайивал, Стадника къакъанвал алцумун инкар авуна. Къайда хъанвайвал, 24 сятдин къене тайинарнавай вахтара рекордрин ктабдин векилдин иштираквал аваз къакъанвал алцумун герек тир. Алцумунрин юкъван нетижа гъисабзавай ва гъам Леонидан къакъанвал яз гъисабун герек тир.

Гъа идазни килиг тавуна Стадник вири дуьньяда машгъур жез агакъна. Украинада ва Россияда ам саки гъар садаз малум тир. Алатай йисуз ада «Евровидениеда» иштиракна- гъилерал къуна Украинадаи тир гзаф назик руш сегънедиз акъудзавай.

ШИКИЛДА: Леонид Стадник.

Спорт

РАЙОНДИН КЪИЛИН ПРИЗ ПАТАЛ

«МАГЪАРАМДХУЪРУЪН РАЙОН» МР-дин къилин приз патал футболдай райондин чемпионат башламишнава. Ина иштиракзавай командаяр пуд группадиз пайнава:

- | | | |
|-------------------|-------------------|-------------------|
| 1- группа: | 2- группа: | 3- группа: |
| 1. Къепиркъазмаяр | 1. Ходжакъазмаяр | 1. Гилияр |
| 2. Советск | 2. Ярагъкъазмаяр | 2. Чахчакъазмаяр |
| 3. Буткъазмаяр | 3. Магъарамдхуър | 3. Къуйсун |
| 4. Самур | 4. Гъепецегъ | 4. Тагъирхуър |

Чемпионатдин сифте къилляй группайриз апайнавай командаяр чеб-чпихъ галаз къве сеферда (са къугъун вичин стадионал, муькуьди вичиз акси командади стадионал) къугъвада. И группайра сад ва къвед лагъай чкаяр къур командайри чемпионатдин финалда олимпийский къайдада сад лагъай чка патал женг члугвада.

Чемпионатда тафаватлу хъайи футболстриз къиметлу призар, къвед ва пуд лагъай чкаяр къур командайриз гъурметдин грамотаяр ва пулунин пишкешар гуда. Сад лагъай чка къур командада- чемпион- кубокдалди ва пулунин премиядалди лишанламишда.

ЗОНАДА ГЪАЛИБ ХЪАНА

МАГЪАРАМДХУЪРЕ «Леки» стадионал футболдай Дагъустан Республикадин первенство патал образованиедин системадин

Надира гъазурай чи райондин хкъягъай командади сад лагъай чка къуна ва РД-дин Къиблепатан зонадин гъалибчи хъана.



ДЮСШ-ра келзавай 2003-йисуз хайи ва адалай агъуз яшарин аялрин арада Къиблепатан зонада сад лагъай чка патал акъажунар къиле фена. Акъажуна Къиблепатан Дагъустандин ирид райондин командайри иштиракна.

Къве юкъуз къизгъиндиз давам хъайи акъажуна Магъарамдхуърун 2-нумрадин ДЮСШ-дин тренер-малим Агъафендиев

Къвед ва пуд лагъай чкаяр Ахъецегъ ва Къасумхуърун районрин командайри къуна.

Сад ва къвед лагъай чкаяр къур командайри 25-27-сентябрдиз Махачкъала шегъерда къиле фидай Дагъустан Республикадин первенствода иштиракда.

Шикилда: зонадин акъажуна сад лагъай чка къур тренер Н. Агъафендиеван команда.

ГЪАЛИБ ХЪАЙИБУРУЗ-ФОРМА

ФУТБОЛДАЙ РД-дин первенство патал зонадин акъажуна иштиракдай команда хкъягъун патал Магъарамдхуър «Леки» стадионал образованиедин системадин ДЮСШ-ра вердишвилер къачузвай 2003-йисуз хайи аялрин командайрин первенство къиле фена. Акъажуна райондин вири 6 ДЮСШ-дин командайрини иштиракна.

Финалда 1-2-чкаяр патал Магъарамдхуърун 2-нумрадин ДЮСШ-дин ва Советск хуърун

ДЮСШ-дин командаяр бягъсиниз экъечина. Къизгъиндиз къиле фейи къугъуна 9:0 гъисабдалди Магъарамдхуърун 2-нумрадин ДЮСШ-дин тренер-малим Надир Агъафендиева гъазурнавай команда гъалиб хъана.

Гъа ик! 2-чкадал Советск хуърун ДЮСШ-дин команда, 3-чкадални Самурдин ДЮСШ-дин командадин винел гъалибвал къачур Тагъирхуърун къазмайрин ДЮСШ-дин команда экъечина.

Муниципальный райондин къил Фарид Агъмедова гъалиб хъайи командадиз футболдин спортдин форма чара авуна.

ЧЕМПИОН ТІВАР ПАТАЛ АКЪАЖУНА ИШТИРАКДА

КЪУЙСУНРИН юкъван школадин хкъянавай командади Вирироссиядин «Волейбол школадиз» проектдин сергъятра аваз 2000-йисуз хайи ва адалай агъуз яшарин аялрин арада Дагъустан Республикада сад лагъай чка патал Дербент шегъерда Къиблепатан зонадин школайрин командайрин арада къиле фейи акъажуна иштиракна.

Акъажуна иштиракай цлудалай гзаф командайрин арада Къуйсунрин юкъван школадин командади сад лагъай чка къуна. Ада 27-28-сентябрдиз Махачкъала шегъерда Дагъустан Республикадин чемпион тівар патал къиле фидай акъажуна иштиракда.

Къилин редактор
А. ИСМАИЛОВ.

Газет гъафтеда садра акъатзава.

Газет Магъарамдхуърун райондин администрацияда регистрація авуна.
Регистрациядин № 301.

Редакциядин адрес: Магъарамдхуър, Ленинан куьче, 4.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чапун патал къул члугуна- 15.00.

Газет ООО «Самур» типографияда гъазурна ва гъана чапна. 368780. Магъарамдхуър, Ленинан куьче, 4. Лезги члал.

Индекс 63340. Тираж 1280. Заказ № 46.

7